



АЛМАТЫ ҚАЛАСЫНЫҢ
БАС МЕМЛЕКЕТТІК
САНИТАРИЯЛЫҚ ДӘРІГЕРІ

ҚАУЛЫСЫ

№ 4

Алматы қаласы

ГЛАВНЫЙ ГОСУДАРСТВЕННЫЙ
САНИТАРНЫЙ ВРАЧ
ГОРОДА АЛМАТЫ

ПОСТАНОВЛЕНИЕ

14.02.2021 ж.

город Алматы

**Алматы қаласының Бас мемлекеттік
санитариялық дәрігерінің 2021 жылғы 31 қаңтардағы
№3 қаулысына өзгерістер енгізу және
Алматы қаласында коронавирустық инфекцияның
алдын алу жөніндегі шектеу шараларын
кезең-кезеңімен жеңілдету туралы**

Алматы қаласының тұрғындары арасында COVID-19 (бұдан әрі - COVID-19) коронавирустық инфекциясының таралуының алдын алу мақсатында, «Халық денсаулығы және денсаулық сақтау жүйесі туралы» Қазақстан Республикасының 2020 жылғы 7 шілдедегі Кодексінің 104 бабының 1 тармақшасына және «Карантиндік шектеу шаралары және оларды кезең-кезеңімен жеңілдету туралы» Қазақстан Республикасының Бас мемлекеттік санитариялық дәрігерінің 2020 жылғы 25 желтоқсандағы № 68 қаулысына сәйкес

ҚАУЛЫ ЕТЕМІН:

1) Алматы қаласының Бас мемлекеттік санитариялық дәрігерінің 2021 жылғы 31 қаңтардағы №3 қаулысының 1 тармағының 6 тармақшасы келесідей редакцияда жазылсын: сауда ойын-сауық орталықтарының, сауда үйлерінің, сауда желілерінің қызметіне рұқсат етілсін;

2) 1 тармақтың 12 тармақшасы келесідей редакцияда жазылсын: азық-түлік және азық-түлік емес жабық және ашық базарлардың штаттық режимде

жұмыс күндері және демалыс күндері толтырылуы 30% - дан аспайтын және бір келушіге 4 шаршы метрден кем емес, әлеуметтік қашықтықты, маска режимін, күшейтілген санитариялық-дезинфекциялық режимді қатаң сақтай отырып рұқсат етілсін;

3) 1 тармақтың 13 тармақшасы келесідей редакцияда жазылсын: ұжымдық іс-шаралар өткізбей қоғамдық тамақтану объектілерінің (жеке санитариялық торабы бар үй-жайда) қызметі, оның ішінде сауда-ойын-сауық орталықтарында, қонақ үй кешендерінде орналасқан сағат 7.00-ден 24.00-ге дейін және шоттар бойынша төлемді 23.00-ге дейін жабумен (толтырылуы 50% - ға дейін, 50-ден артық емес орын , әр үстелде 4 отыратын орыннан, әлеуметтік қашықтықты, маска режимін, термометрияны, күшейтілген санитариялық-дезинфекциялық режимді сақтау) шектелсін;

4) 1 тармақтың 17 тармақшасы келесідей редакцияда жазылсын: өнеркәсіптік, құрылыс және өзге де ұйымдардың жұмысшыларын технологиялық процесс жұмыс орнында болуын қажет ететін және қаланың тыныс-тіршілігін қамтамасыз ететін мемлекеттік органдарды, ұйымдарды мен объектілерді қоспағанда, қызметкерлерінің саны 20 және одан да көп адам болатын ұйымдар қызметкерлерінің 50% қашықтықтан жұмыс режиміне ауыстырылсын. Ұйымдардың қызметкерлерін қашықтан жұмыс істеу режиміне көшіруді бақылау алгоритмін әзірлеу және қолданысқа енгізу;

5) 1 тармақтың 19 тармақшасы келесідей редакцияда жазылсын: қаржы нарығы субъектілерінің қызметіне уақыты мен саны бойынша Қазақстан Республикасы Ұлттық Банкінің және Қазақстан Республикасы Қаржы нарығын реттеу және дамыту агенттігінің актісіне сәйкес, ал сауда ойын-сауық орталықтары мен сауда үйлерінде орналасқан жағдайда сауда ойын - сауық орталығының және сауда үйінің жұмыс режимі бойынша рұқсат етілсін; «Қазпошта» АҚ бөлімшелерінің, ХҚКО қызметіне, халықты алдын ала жазылу бойынша қабылдауға (әлеуметтік қашықтықты, маска режимін, термометрияны, күшейтілген санитариялық-дезинфекциялық режимді сақтау) рұқсат етілсін, ХҚКО-дағы ауаны экрандалған бактерицидті қондырғылармен залалсыздандыруды және күту залдары мен үй-жайлардың ішке сору-сыртқа тарату желдеткішін қамтамасыз ету;

6) 1 тармақтың 20 тармақшасы келесідей редакцияда жазылсын: 50 адамға дейін қатысумен мәдениет объектілері мен концерт залдарының (дайындық); көрермендер залының толтыру 30%-дан аспайтын кезде театрлардың, кинотеатрлардың қызметіне рұқсат етілсін;

7) 1 тармақтың 22 тармақшасы келесідей редакцияда жазылсын: діни объектілердің қызметіне рұқсат етілсін жұма намазын өткізбестен,

мешіттерде намаз оқу (бес намаз), тотырылуы 30% - ға дейін жамағатпен құлшылық ету, бірақ 100 адамнан көп емес;

8) 1 тармақтың 26 тармақшасы келесідей редакцияда жазылсын: 10 адамнан аспайтын жеке және топтық жаттығуларға арналған спорт кешендерінің қызметіне, ашық ауада жаттығулар үшін-әлеуметтік қашықтықты сақтай отырып, көрермендердің қатысуынсыз, командалар саны шегінде рұқсат етілсін;

9) 1 тармақтың 29 тармақшасы келесідей редакцияда жазылсын: сауналар, СПА-орталықтар, бассейндер қызметіне рұқсат етілсін;

10) 1 тармақтың 30 тармақшасы келесідей редакцияда жазылсын: қалааралық/облысаралық тұрақты автобустардың (шағын автобустардың) қозғалысына; облысаралық және қалалық тұрақты емес (туристік) тасымалдарға - отырғызу орындары санының 75% - ына дейін толтырылған кезде рұқсат етілсін;

11) 1 тармақтың 39 тармақшасы келесідей редакцияда жазылсын: балалардың дене және физиологиялық ауытқуларын түзету кабинеттерінің, балалар мен ересектердің білім беру орталықтарының және білім алушылар саны 5 адамнан аспайтын оқыту үйірмелерінің қызметіне рұқсат етілсін;

12) 1 тармақ келесідей мазмұндағы 42 тармақшамен толықтырылсын: орталықтар мен сұлулық салондарының, шаштараздар, барбер-шоп, маникюр және педикюр қызметіне, косметологиялық қызметтерге (жазба бойынша) рұқсат етілсін;

13) 1 тармақтың 2 тармақшасы келесідей редакцияда жазылсын: ойын-сауық мекемелерінің, оның ішінде сауда ойын-сауық орталықтарында және сауда үйлерінде орналасқан (банкет залдары, бильярд, компьютер, түнгі, ойын клубтары, лотоклубтар, караоке, боулинг, жабық үй-жайлардағы балалар ойын алаңдары мен аттракциондары, батуттар, букмекер кеңселері) қызметіне тыйым салу.

2. Алматы қаласы аудандарының әкімдері қамтамасыз етсін:

1) Қызметі рұқсат етілген объектілерде карантиндік шаралардың, санитариялық-дезинфекциялық режимнің сақталуын бақылау. Бұзушылықтар анықталған жағдайда Қазақстан Республикасының Әкімшілік құқық бұзушылық туралы 2014 жылғы 5 шілдедегі Кодексіне сәйкес әкімшілік шаралар қолдану;

2) қызметі шектелмеген объектілерді қоса алғанда, Қазақстан Республикасының Бас мемлекеттік санитариялық дәрігерінің 2021 жылғы 25 желтоқсандағы № 67 қаулысымен белгіленген объектілерге қойылатын талаптарды сақтай отырып, Қазақстан Республикасының Бас мемлекеттік

санитариялық дәрігерінің 2021 жылғы 25 желтоқсандағы № 68 қаулысының 1 және 2 қосымшаларына сәйкес, Қазақстан Республикасының Президенті жанындағы экономикалық өсуді қалпына келтіру жөніндегі мемлекеттік комиссия отырысының 2020 жылғы 30 шілдедегі № 6 хаттамасының 2.6-тармағын басшылыққа ала отырып, объектілердің қызметін қайта бастау.

3. Осы қаулының орындалуын бақылауды өзіме қалдырамын.

4. Осы қаулы 2021 жылғы 15 ақпанда күшіне енеді.

**Алматы қаласының
Бас мемлекеттік
санитариялық дәрігері**



Ж. Бекшин